

decessoris nostri de una, & in Concilio generali edita de duabus dietis, dummodo ultra tres dietas aliquis auctoritate presentium ad iudicium non trahatur, aliisque quibusvis constitutionibus, & ordinationibus Apostolicis, necnon dicti Ordinis etiam iuramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Ordini, illiusque Ministro generali, ac quibusvis aliis superioribus, & personis, sub quibuscumque tenoribus & formis, ac cum quibusvis clausulis, & decretis in contrarium praemissorum quomodolibet concessis, confirmatis, & innovatis, quibus omnibus, & singulis, eorum omnium tenores presentibus pro plenè & sufficienter expressis habentes, illis aliis in suo robore permanentibus, hac vice dumtaxat specialiter, & expressè derogamus, ceterisque contrariis quibuscumque.

Transumptis etiam impressis.

§. 25. Volumus autem, quod presentium transumptis, etiam impressis, manu alicujus Notarii publici subscriptis, & sigillo alicujus personae in dignitate Ecclesiastica constitutae munitis eadem prorsus fides habeatur, quae ipsi presentibus haberetur, si forent exhibitae vel ostensae.

Dat. P. An. 1. die 26. Nov.

Datum Romae apud S. Petrum, sub annulo Piscatoris, die 26. Novemb. 1621. Pontificatus nostri anno primo.



CONST. XV.

URBANI VIII.

Summarium Literarum in forma Brevis.

Edict. An. D. 1626.

Statuit Pontifex, quod in universo Ordine Redemptorum B. Mariae de Mercede Festum S. Raymundi Nonnati, cum officio & Missa de communi Confessoris non Pontificis, juxta rubricas Breviarii, & Missalis Romani futuris perpetuis temporibus liberè, & licitè celebrari possit, & valeat.

URBANVS PAPA VIII.

Ad perpetuam rei memoriam.

Exordium.

Domini N. I. C. qui servos suos aeternae gloriae praemio donat in caelis, vices quamquam immeriti gerentes in terris, ex injuncto Nobis pastoralis officii debito procurare tenemur, ut eorumdem Servorum Christi debita veneratio in dies magis promovètur, & laudetur Dominus in Sanctis suis. Quamobrem fidelium quorumlibet, praesertim verò divini numinis obsequiis sub suavi Religionis jugo famulantium votis, quae peculiarem Sanctorum hujusmodi cultum respiciunt, libenter annuimus, prout conspicimus in Domino salubriter expedire.

Sancti D. N. I. C. conspiciamus.

§. 1. Sanè dilectus filius Joannes de Quintanilla Procurator Generalis Ordinis Fratrum B. Mariae de Mercede Redemptionis Captivorum, totius Ordinis hujusmodi nomine Nobis nuper exponi fecit, quod universus Ordo praedictus, pro eo quem erga Sanctum Raymundum Nonnat. ejusdem Ordinis, dum vixit, professorem, ac sanctae Romanae Ecclesiae Cardinalem gerit devotionis affectu, ac ad augendam Christi fidelium erga illum devotionem, Officium, & Missam de eo, ut infra, recitari & celebrari posse summopere desiderat: Quare nobis humiliter supplicari fecit, ut piis hujusmodi votis annuere de benignitate Apostolica dignaremur.

Sancti P. An. 1. die 26. Nov.

§. 2. Nos igitur Ordinem praedictum specialibus favoribus, & gratiis prosequi volentes, ac singulares ejus personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa laetis, si quibus quomodolibet innodatae existunt, ad effectum presentium dumtaxat consequendum, ha-

rum seque solventes, & absolutas fore censentes, supplicacionibus ejusdem Joannis quo supra nomine nobis super hoc humiliter porrectis inclinati, & Venerabilium Fratrum nostrorum Sanctae Romanae Ecclesiae Cardinalium sacrae ritibus praepositorum consilio, quod de cetero perpetuis futuris temporibus in universo Ordine praedicto Festum sancti Raymundi hujusmodi cum Officio, & Missa de communi Confessoris non Pontificis, juxta rubricas Breviarii, & Missalis Romani celebrari liberè, & licitè possit, & valeat, Apostolica auctoritate tenore presentium facultatem concedimus, & impartimur.

§. 3. Non obstantibus constitutionibus, & ordinationibus Apostolicis, ac quatenus opus sit, dicti Ordinis etiam iuramento, confirmatione Apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

§. 4. Volumus autem, quod presentium transumptis, etiam impressis, manu alicujus Notarii publici subscriptis, & sigillo alicujus personae in dignitate Ecclesiastica constitutae munitis eadem prorsus fides in iudicio, & extra adhibeatur, quae presentibus ipsi adhiberetur, si forent exhibitae, vel ostensae.

Datum Romae apud S. Mariam Majorem, sub annulo Piscatoris, die 9. Maii 1626. Pontificatus nostri anno tertio.

Scipio Cobellinus.

CONST. XVI.

Alterius Brevis Summarium.

De consilio Sacrae Congregationis rituum, maturatione discussionis, ac ad majorem Sanctorum gloriam tribuit Pontifex plenam, & liberam facultatem, ut in universo Ordine PP. Redemptorum S. Mariae de Mercede perpetuis futuris temporibus celebrari possit Festum Beatiss. Patriarchae S. Petri Nolasci, cum Officio, & Missa de communi Confessoris non Pontificis, juxta rubricas Breviarii, & Missalis Romani.

URBANVS PAPA VIII.

Ad perpetuam rei memoriam.

Domini nostri Jesu Christi, qui servos suos aeternae gloriae praemio donat in caelis, vices quamquam immeriti gerentes in terris, ex incumbenti Nobis munere tenemur procurare, ut eorumdem servorum Christi debita veneratio in dies magis promovètur, ac laudetur Dominus in Sanctis suis. Quamobrem fidelium quorumlibet, praesertim verò sub suavi Religionis jugo Altissimo famulantium votis, quae peculiarem ipsorum Sanctorum cultum respiciunt, libenter annuimus, ac favoribus prosequimur opportunis, prout conspicimus in Domino salubriter expedire.

§. 1. Sanè dilecti filii Didacus de sancto Raymundo Fratrum Discalceatorum nuncupatorum Ordinis Beatae Mariae de Mercede Redemptionis Captivorum, necnon Lydovicus de Apparitione Fratrum Calceatorum, eorumdem Fratrum nominibus Nobis nuper exponi fecerunt, quod Fratres praedicti pro singulari, quem erga Sanctum Petrum Nolascum dicti Ordinis fundatorem gerunt devotionis affectu, ac ad augendam erga illum devotionem, Officium, & Missam de eo, ut infra, recitari, & celebrari posse summopere desiderant. Quare iidem ut supra nominibus Nobis humiliter supplicari fecerunt, ut eis desuper opportunè providere de benignitate Apostolica dignaremur.

§. 2. Nos igitur piis eorumdem fratrum votis hujusmodi annuere, illosque specialibus favoribus, & gratiis prosequi volentes, & eorum singulares personas à quibusvis excommunicationis, suspensionis, & interdicti,

At, aliisque Ecclesiasticis sententiis, censuris, & pœnis à jure vel ab homine quavis occasione, vel causa latis, si quibus quomodolibet innodatz existunt, ad effectum presentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, de venerabilium fratrum nostrorum S.R.E. Cardinalium sacris ritibus præpositorum consilio, re maturè discussa, ad majorem sanctorum gloriam, divinique cultus augmentum, quod de cætero perpetuis futuris temporibus festum dicti S. Petri Nolasci ejusdem Ordinis fundatoris, cum officio, & Missa de communi Confessoris non Pontificis juxta rubricas Breviarii, & Missalis Romani in universo ordine prædicto celebrari liberè, & licitè possit, & valeat, Apostolica auctoritate tenore presentium facultatem concedimus & impartimur.

§. 3. Non obstantibus constitutionibus, & ordinationibus Apostolicis, ac quatenus opus sit, dicti Ordinis etiam juramento, confirmatione Apostolica, vel quavis firmitate alia roboratis statutis, & consuetudinibus, cæterisque contrariis quibuscumque.

§. 4. Volumus autem, quod presentium transumptis, etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitutz munitis eadem prorsus ubique fides adhibeatur, quæ presentibus adhibetur, si forent exhibitæ vel ostensæ.

Dat. Romæ apud S. Mariam Majorem sub annulo Piscatoris, die 11. Octobris 1628. Pont. nostri anno 6.

CONST. XVII.

Alterius Brevis Summarium.

VII. Motu proprio, ac certa scientia, & matura deliberatione approbat, & confirmat Decretum Sacræ Congregationis Cardinalium negotiis Regularium præpositorum, in quo continetur: Quod cum pro observatione Concordiæ aliàs inter PP. Redemptores Sanctæ Mariæ de Mercede, & PP. Discalceatos ejusdem Ordinis Recollectos initæ, confirmatio non solum Gregorii XV. sed etiam ejusdem Urbani VIII. intercesserit cum clausula citra dispensationem super quarto voto, ac ministerio Redemptionis captivorum, nostris fratribus Calceatis dumtaxat in eadem Concordia reservato, tamen vigore dictæ clausulæ citra dispensationem super quarto voto, & aliorum in dicta Concordia, & Confirmationibus contentorum, non fuisse, neque esse jus aliquod de novo quæsitum dictis fratribus Recollectis ad ministerium Redemptionis captivorum exercendum sub directione, & superioritate eorum Vicarii generalis, sed omnia circa ministerium prædictæ Redemptionis captivorum remanisse, & remanere in eisdem statu, & terminis, in quibus reperiebantur ante dictam Concordiam, ita ut quoad dictum opus Redemptionis, aut alia ad idem ministerium quomodolibet spectantia, remaneant sub directione, cura, & obedientia, ac superioritate Rev. totius Ordinis Magistri Generalis.

URBANUS PAPA VIII.
Ad futuram rei memoriam.

§. 1. Cum sicut dilecti filii fratres Calceati Ordinis B. Mariæ de Mercede Redemptionis captivorum Bullar. Mag. Tom. I V.

nobis nuper exponi fecerunt, in controversia nuper exorta inter dictos fratres Calceatos ex una, & fratres Discalceatos, sive Recollectos ejusdem Ordinis partibus ex altera super observatione concordie aliàs inter eos initæ, & auctoritate Apost. à fel. rec. Gregorio Papa XV. prædecessore nostro, ac etiam à nobis confirmata, cum clausula citra dispensationem super quarto voto, ac Ministerio Redemptionis captivorum eisdem Fratribus Calceatis dumtaxat in eadem Concordia reservato, quod nihilominus etiam à dictis fratribus Discalceatis fieri posse prætenditur vigore clausulæ prædictæ citra dispensationem super quarto voto, in litteris Apostolicæ confirmationis Concordiæ hujusmodi appositæ, rebusque aliis, Venerabiles Fratres nostri S.R.E. Cardinales negotiis Regularium præpositi consueverint vigore dictæ clausulæ, citra dispensationem super quarto voto, hujusmodi, & aliarum in dicta Concordia, & confirmationibus Apost. contentarum non fuisse, nec esse jus aliquod de novo quæsitum dictis fratribus Discalceatis, seu Recollectis ad ministerium Redemptionis captivorum exercendum sub directione, & superioritate eorum Vicarii generalis; sed omnia circa ministerium prædictæ Redemptionis captivorum remanisse, & remanere in eisdem statu, & terminis, in quibus reperiebantur ante dictam Concordiam, ita ut prædicti fratres Discalceati quoad dictum opus Redemptionis, aut alia ad idem ministerium quomodolibet spectantia remaneant sub directione, cura, & obedientia, ac superioritate dilecti filii Magistri Generalis Calceatorum, prout, & quemadmodum, ac in eisdem statu, & terminis, in quibus erant, seu existebant ante Concordiam, & confirmationes prædictas, & aliàs prout in eorundem Cardinalium Decreto desuper sub die 18. Novembris præsentis anni 1633. emanato plenius dicitur contineri.

§. 2. Nos inviolabili decreti, & in eo contentorum quorumcumque firmitati atque observantiæ, quantum cum Domino possumus consulere, dictosque exponentes specialibus favoribus, & gratiis prosequi volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatz existunt, ad effectum presentium dumtaxat consequendum, harum tenore absolventes, & absolutos fore censentes, Motu proprio, ac certa scientia & matura deliberatione nostris decretum prædictum, & in eo contenta quæcumque Apost. auctoritate tenore presentium approbamus, & confirmamus, illisque inviolabilis Apost. firmitatis robur adjicimus, & omnes, & singulos, tam juris quàm facti defectus, si qui desuper quomodolibet intervenerint, supplement.

§. 3. Decernentes illud, necnon presentes litteras valida firma & efficacia existere & fore, ac ab omnibus ad quos spectat, & pro tempore spectabit inviolabiliter observari, sicque per quoscumque Judices ordinarios, & delegatos, etiam causarum Palatii Apost. Auditores, subblata eis, & eorum cuilibet quavis aliter judicandi, & interpretandi facultate, & auctoritate, ubique judicari, & definiti debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac constitutionibus, & ordinationibus Apost. & quatenus opus sit, quibusvis etiam juramento, & confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & litteris Apostolicis in contrarium quomodolibet concessis, confirmatis, & innovatis, quibus omnibus, & singulis, eorum tenores presentibus pro sufficienter expressis habentes, illis aliàs in suo robore permansuris, hac vice dumtaxat specialiter, & expressè derogamus, cæterisque contrariis quibuscumque.

Dat. Romæ apud S. Petrum sub annulo Piscatoris, die tertia Decembris 1633. Pontificatus nostri anno undecimo.

Approbat. & confirmat Pontifex deusd. Sacra Congregatio circa concordiam de qua in Rubr.

Clausula hujus constitutionis præferenda.

Contrariis derogat.

Dat. P. A. 11. die 3. Dec.

CONST. XVIII.

Alterius Brevis Summarium.

Edicta An. D. 1636. **Præcipit, & mandat omnibus Fratribus Recollec-
tis, seu Discalceatis S. Mariæ de Mercede,**
etiam pro tempore existentibus, sub privatio-
nis vocis activæ & passivæ, ac quorumcumque
eiusdem Ordinis officiorum, etiam obtinen-
dorum, pœnis ipso facto, absque alia declara-
tione incurrendis, ut Rev. Patri Magistro Ge-
nerali PP. Calceatorum in omnibus sibi ab eo
commis- ad Redemptionis Captivorum
opus, seu ministerium quomodolibet concer-
nentibus irrefragabiliter obediant, eisque
mandata efficaciter adimplere procurent.

URBANUS PAPA VIII.
Ad perpetuam rei memoriam.

Exordium. **A**lias pro parte dilectorum filiorum Fratrum Ordinis B. Mariæ de Mercede Redemptionis Captivorum à Nobis emanarunt literæ tenoris sublequentis, videlicet, Urbanus Papa VIII. ad futuram rei memoriam. Cum sicut dilecti filii Ordinis B. Mariæ de Mercede Redemptionis Captivorum Nobis nuper, &c. (sequitur, prout in antedictis literis de verbo ad verbum jacet.)

Causa hujus 1637. §. 1. Cum autem iidem exponentes Nobis nuper exponi fecerunt, notificatis præinsertis literis hujusmodi, per quas, auditis partibus, mandatur ut Religiosi Discalceati, seu Recollecti eiusdem Ordinis, quoad Redemptionis Captivorum opus, seu alia ad idem ministerium quomodolibet spectantia, remaneant sub obedientia, superioritate, cura & directione dilecti filii Magistri Generalis Calceatorum dicti Ordinis, ab aliquibus ex Discalceatis, seu Recollectis hujusmodi pariter minime fuerit; alii vero cum ingentibus protestationibus ad Regium Hispaniarum Consilium per viam violentiæ recurrerint, declaratumque prædictas literas executioni demandandas esse, Nosque novissime expressè mandavimus, ut ipsi Religiosi Discalceati, seu Recollecti, quibuscumque appellatione, reservatione, protestatione, vel conditione remotis, obedirent, prædictusque Magister Generalis ipsis pariter injunxerit, ut quas apud se retinent pecuniarum summas, de quibus, prout opus foret, disponerent, necnon personas ad prædictum Redemptionis opus exercendum idoneas declararent, Vicarius autem Generalis Prædicatorum Fratrum Discalceatorum, seu Recollectorum dicti Ordinis Prædicatorum, dicti Magistri Generalis mandatum notificari non permisit, licet per suos Religiosos sciverit quendam tabellionem auctoritate Apostolica creatum ad eum decies pro notificatione dicti decreti accessisse, ut ex fide authentica dicti tabellionis constare dicitur. Nobis propterea dicti exponentes humiliter supplicari fecerunt, ut sibi in præmissis opportunè, ut infra, providere de benignitate Apostolica dignemur.

Scholia Discalceatorum Magistri Generalis. §. 2. Nos igitur illos specialibus favoribus, & gratiis prosequi volentes, & illorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à Jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, omnibus, & singulis Fratribus Discalceatis, seu Recollectis d. Ordinis nunc, & pro tempore existentibus, quacumque auctoritate, & officio fungentibus, & functionis, sub privationis vocis activæ & passivæ, & quorumcumque dicti Ordinis officiorum per eos obtentorum, & obtinendorum pœnis ipso facto, absque alia declaratione per contravenientes incurrendis tenore præsentium præcipimus, & mandamus, ut prædicto Magistro Generali in omnibus sibi ab eo commissis ad prædictum Redemptionis Captivorum opus, seu ministerium quomodolibet concernentibus irrefragabiliter obediant, pareant, & assistant,

eisque monita, & mandata humiliter suscipiant, & efficaciter adimplere procurent.

§. 3. Non obstantibus Constitutionibus, & ordinationibus Apostolicis, ac dicti Ordinis etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium præmissarum quomodolibet concessis, confirmatis, & innovatis, quibus omnibus, & singulis, eorum tenores præsentibus pro sufficienter expressis habentes, illis aliis in suo robore permanentibus, hac vice dumtaxat specialiter, & expressè derogamus, cæterisque contrariis quibuscumque.

§. 4. Volumus autem, quod præsentium transumptis, etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis eadem proferri fides adhibeatur, quæ adhiberetur præsentibus, si forent exhibitæ, vel ostensæ.

Datum Romæ apud S. Petrum, sub annulo Piscatoris, die 12. Februarii 1636. Pontificatus nostri anno 13.
M. A. Maraldus.

CONST. XIX.

Alterius Brevis Summarium.

Abolutio, seu communicatio omnium Indulgentiarum, ac piorum operum per PP. Redemptionis S. Mariæ de Mercede omnibus Christi fidelibus in suis Ecclesiis præsentibus fieri solita in die Feriæ quintæ majoris hebdomadæ. Loco hujus subrogat Pontifex diem Festum Beatissimi Patriarchæ S. Petri Nolasci.

URBANUS PAPA VIII.
Ad perpetuam rei memoriam.

Cum sicut dilectus filius Joannes Perez de Munebraga Ordinis Fratrum B. Mariæ de Mercede Redemptionis Captivorum Procurator Generalis Nobis nuper exponi fecit, inter alia privilegia, gratias, & indulta in favorem dicti Ordinis à Sede Apostolica emanata, & per fel. rec. Paulum Papam V. prædecessorem nostrum, & Nos etiam confirmata indultum fuerit, ut ipsa Religio in die Cinerum, ac Feria quinta majoris hebdomadæ, necnon in Sanctorum Laurentii, & Antonii, ac Sanctæ Catharinæ Virginis & Martyris Festis diebus omnes tam Religiosos quàm sæculares, nimirum in Ecclesia præsentis, & genuflexos, post confessionem à Sacerdote coram omnibus recitatum de more absolvere, & benedicere, Feriæ quintæ hujusmodi diem Festum S. Petri Nolasci primi Ordinis hujusmodi professoris subrogari summooperè desideret.

§. 1. Nos piis dicti Joannis Procuratoris Generalis, tam suo, quàm univerforum dicti Ordinis professorum nominibus desuper porrectis supplicationibus inclinati, Feriam quintam in Cænz Domini præfatam in diem Festum S. Petri Nolasci, in quo dicta Religio omnes tam Religiosos, quàm sæculares in Ecclesia præsentis & genuflexos, post confessionem, ut præfertur, recitatum de more absolvere, & benedicere possit, Apostolica auctoritate tenore præsentium perpetuè commutamus.

§. 2. Non obstantibus constitutionibus, & ordinationibus Apostolicis, cæterisque contrariis quibuscumque.

Datum Romæ apud S. Petrum, sub annulo Piscatoris, die 16. Januarii 1638. Pontificatus nostri anno 15.
M. A. Maraldus.

CONST. XX.

Alterius Brevis Summarium.

Decernit Pontifex, quod etiam legata particularia, ac dispositiones & donationes etiam inter vivos particulariter, & aliàs quomodolibet factæ, perpetuisque futuris temporibus pro

pro Captivorum Redemptione faciendæ in favorem quorumcumque dicti Ordinis Fratrum Recollectorum, etiam in quibus sit, vel erit eorum industria, perscrutant, & competent privative, quoad eisdem Fratres Recollectos, ad Reverendissimum totius prædicti Ordinis Magistrum Generalem. Necnon circa ministerium Redemptionis perpetuum silentium imponit Vicario Generali, Conventibus, & Fratribus omnibus Recollectis prædictis. Præscribitque modum expendendi legata.

URBANUS PAPA VIII.
Ad futuram rei memoriam.

§. 1. Exponi Nobis nuper fecit dilectus filius Joannes Perez de Munebrega Procurator Generalis Ordinis B. Mariæ de Mercede Redemptionis Captivorum, quod aliis inter Fratres Calceatos dicti Ordinis ex una, & Fratres ejusdem Ordinis Congregationis Discalceatorum nuncupatos ex altera partibus, occasione separationis, ac totalis dismembrationis Fratrum Discalceatorum à Fratribus Calceatis hujusmodi, inita fuit quædam concordia, inter cujus capitula extat unum tenoris sequentis, videlicet: Item quod ministerium Redemptionis solum spectet Religiosis Calceatis; & quod Patres Recollecti non se intromittant in recipiendis legatis à Christi fidelibus relictis ad dictum effectum, nec possint petere in suis monasteriis, nec extra, pro redemptis captivis, nec habere cippos, nec capsas, nec aliquid aliud pro elemosyna petenda hac de causa, quia totum hoc debet demandari curæ, & sollicitudini Patrum Calceatorum dumtaxat, sicut usque nunc fuit in consuetudine. Quæ quidem Concordia à fel. record. Gregorio Papa XV. prædecessore nostro, ac etiam à Nobis cum clausula, *citra dispensationem à quarto voto*, confirmata fuit.

§. 2. Postmodum verò dilectis Fratribus Discalceatis prætendentibus vigore prædictæ clausulæ, *citra dispensationem à quarto voto*, ministerium Redemptionis Captivorum Fratribus Calceatis hujusmodi in dicta Concordia, illiusque confirmationibus dumtaxat reservatum à se quoque exerceri posse, etiam vigore suarum particularium Constitutionum aliis à Nobis confirmatarum, Venerabiles Fratres Sanctæ Romanæ Ecclesiæ Cardinales negotiis Regularium præpositi decreverunt, vigore dictæ clausulæ, *citra dispensationem super quarto voto* hujusmodi, & aliarum in dicta Concordia, & illius confirmationibus Apostolicis contentarum non fuisse, nec esse Jus aliquod de novo quæsitum à Fratribus Discalceatis præfatis ad ministerium Redemptionis Captivorum exercendum, sub directione, & superioritate eorum Vicarii Generalis; sed omnino circa ministerium dictæ Redemptionis Captivorum remansisse, & remanere in eisdem statu, & terminis, in quibus erant, seu existebant ante dictam Concordiam, & confirmationes prædictas; Nosque decretum Cardinalium hujusmodi confirmavimus, & subinde nonnullis ex Fratribus Discalceatis hujusmodi decreto præfato, nostrisque literis illius confirmatoris parere decretantibus: Nos omnibus, & singulis Fratribus Discalceatis, seu Recollectis Ordinis præfati nunc, & pro tempore existentibus, quacumque auctoritate, & officio fungentibus, sub privationis vocis activæ & passivæ, ac quorumcumque d. Ordinis officiorum per eos obtentorum pœnis ipso facto, absque alia declaratione per Contravenientes incurrendis præcipimus, ut dicto Magistro Generali in omnibus ab eo commissis, & præfatum Redemptionis Captivorum opus, seu ministerium quomodolibet

concernentibus irrefragabiliter obedirent, & aliis prout in Gregorii prædecessoris prædicti, ac nostris super præmissis in simili forma breviter expressis literis, quarum tenores præsentibus pro plene, & sufficienter expressis haberi volumus, plenius continetur.

§. 3. Cum autem, sicut eadem expositio subungebat, fratres Discalceati prædicti prætendant legata particularia relictæ, ac dispositiones quascumque, etiam donationes inter vivos factas, & pro tempore faciendas, per quoscumque pro Redemptione captivorum Ecclesiis, seu Domibus, aut personis ipsorum Discalceatorum, cum electione industrie earum, sub concordia, & literis prædictis minime comprehendi. Nobis propterea idem Procurator generalis humiliter supplicari fecit, ut in præmissis opportune declarationis ministerio providere de benignitate Apostolica dignaremur.

§. 4. Nos igitur negotio mature, ac ambabus partibus pluries in facto, & jure informantibus, & auditis, per Congregationem Prælatorum à nobis ad id deputatorum, eorundem Prælatorum resolutione in favorem fratrum Calceatorum, eorumque Procuratoris generalis facta, Nobis relata, ejusdem Procuratoris generalis, & fratrum Calceatorum prædictorum voris hujusmodi annuere volentes, ac singulares eorum personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatæ existant, ad effectum præsentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, Concordiam prædictam, ac dicti Gregorii prædecessoris, & nostras deluper expeditas literas prædictas, comprehendisse, & comprehendere etiam legata particularia, ac dispositiones & donationes etiam inter vivos particulariter, aliasque quomodolibet facta, & factas, ac pro tempore perpetuis futuris temporibus pro Captivorum redemptione per quoscumque faciendas, etiam in favorem quorumcumque prædictorum Discalceatorum, eorumque Vicarii Generalis, ac Conventuum & domorum ipsorum Discalceatorum, & in quibus eorum industria sit, vel erit electa; & præsertim legatum, seu dispositionem, & donationem quandam Elviræ Manrique factam conventui Sanctæ Barbaræ Martiri, Toletanæ diocesis non facta expressione; ita ut in ministerio Redemptionis Captivorum attributo, seu concessio per concordiam, & literas Apostolicas prædictas Magistro Generali dictorum fratrum Calceatorum comprehensa, & comprehensa sint, & comprehendantur, Apostolica auctoritate tenore præsentium declaramus, eisdemque Fratribus Discalceatis, eorum Conventibus, & Vicario Generali perpetuum silentium imponimus.

§. 5. Sicut ab omnibus censeri, & per quoscumque Judices ordinarios, & delegatos, etiam causarum Palatii Apostolici Auditores, ac Sanctæ Romanæ Ecclesiæ Cardinales, etiam de latere legatos, sublata eis, & eorum cuilibet quavis aliter judicandi, & interpretandi facultate & auctoritate, judicari, & dehniri debere, ac irritum, & inane si secus super his à quoquam quavis auctoritate, scienter, vel ignoranter contigerit attentari, decernimus.

§. 6. Volumus tamen, quod idem Magister generalis Calceatorum debeat integrè relictæ, donationes, & dispositiones prædictas in prædictum opus Redemptionis expendere, absque eo quod aliquam illorum partem pro se, Conventibus, aut sua Religione Calceatorum hujusmodi, nec aliis unquam retinere possit.

§. 7. Non obstantibus quorumvis testatorum, & testatricum etiam ultimis voluntatibus, ac donationum dispositionibus, quas in, & quoad præmissa, quatenus foret opus, sufficienter, & expressè commutamus, necnon constitutionibus, & ordinationibus Apostolicis, ac Constitutionibus Discalceatorum auctoritate Apostolica confirmatis, & præcipue eorum Capitulis vigesimo, vigesimo primo, & vigesimo secundo primæ distinctionis, ac omnibus illis, quæ in prædictis literis Apostolicis dictus Gregorius prædecessor voluit, & nos

Legata in favorem Recollectorum tributa.

Ad prædictum Ordinis Generalem Magistrum peripone declarat Pontifex.

Clausula sublata.

Modum expendendi legata præscribitur.

Contraria remota.

voluimus, non obstaré, ceterisque contrariis quibus-
cumque.

D. P. A. 17. Dat. Romæ apud S. Petrum, sub annulo Piscatoris,
die 15. Febr. 1640. Pont. nostri anno 17.
M. A. Maraldus.

CONST. XXI.

INNOCENTIUS X.

Summarium Literarum in forma Brevis.

Inferit Urbani VIII. Literas incipientes: Ex-
poni nobis nuper fecit. Confirmatque De-
cretum Sacræ Congregationis Cardinalium
super negotiis Regularium præpositorum, in
quo fratribus Discalceatis Ordinis S. Mariæ
de Mercede super Ministerio Redemptionis
Captivorum, ac jure quærendi, eademque
causa eleemosynas colligendi, acceptandique
donationes, & legata quæcumque, ac Su-
perioris Generalis electione, independentem
à Reverendissimo dicti Ordinis Magistro ge-
nerali faciendi, minimè concedendam esse au-
dientiam, conceditur.

Edita An. D. INNOCENTIUS PAPA X.
1647. *Ad futuram rei memoriam.*

*Hac confirmatio
11156. 8. im-
mediatè præ-
cedit.*

§. 1. **A**liàs à s. l. rec. Urbano Papa VIII. prædeces-
sore nostro emanarunt literæ tenoris sequen-
tis, videlicet: Urbanus Papa VIII. ad futuram rei me-
moriam. Exponi nobis nuper fecit dilectus filius Joanes
Perex de Munebrega, &c. (Sequitur de verbo ad
verbum, prout in proximis præcedentibus supradictis li-
teris.) Cum autem, sicut dilectus filius Ignatius Vidon-
do Procurator generalis eorumdem fratrum Calceatorum
nobis nuper exponi fecit, habito ad nos sub ipso Pon-
tificatus nostri principio ab eisdem fratribus Discalceatis
recurso, ut de novo super præmissis audirentur, pe-
titoque insuper sibi concedi facultatem eorum, & dictæ
Congregationis Superiorem Generalem penitus, & om-
nino independentem à dictis fratribus Calceatis eligen-
di: Et negotio hujusmodi per nos remisso ad eisdem
Venerabiles fratres nostros ejusdem Sanctæ Romanæ
Ecclesiæ Cardinales negotiis, & consultationibus Epi-
scoporum, & Regularium præpositos, & tandem parti-
bus præfatis hinc inde jussu nostro in Congregatione
eorundem Cardinalium auditis, illarumque Juribus ac-
curatè discussis, iidem Cardinales, ut aliquando omne
litis fomentum, vel incentivum ex parte eorumdem fra-
trum Discalceatorum de & super Ministerio Redemptio-
nis Captivorum, necnon jure quærendi, colligendique
eadem causa eleemosynas, acceptandique donationes, &
legata quæcumque, ab ipsis independentem à pro tem-
pore existente Magistro Generali eorumdem fratrum Cal-
ceatorum faciendi, & respectivè exigendi cessaret, ad re-
lationem dilecti filii nostri Joannis Baptistæ tituli S. Syl-
vestri de Capite Presbyteri Cardinalis Paleotti nuncu-
pati, fratribus Discalceatis hujusmodi super præmissis
non esse dandam novam audientiam decreverint. Præ-
missa verò quò firmiter subsistant, & exactius observen-
tur, idem Ignatius Procurator generalis Apostolicæ no-
stræ confirmationis patrocinio communiti summopere
desideret.

§. 2. Idcirco nos eundem Ignatium Procuratorem ge-
neralem specialibus favoribus, & gratiis prosequi vo-
lentes, & à quibusvis excommunicationis, suspensionis,
& interdicti, aliisque Ecclesiasticis sententiis, censuris,
& penis à jure, vel ab homine quavis occasione, vel
causa latis, si quibus quomodolibet innodatus existat, ad
effectum præsentium dumtaxat consequendum, harum
serie absolventes, & absolutum fore censentes, supplica-
tionibus illius nomine nobis super hoc humiliter porre-
ctis inclinati, Decretum præfatum Apostolica auctorita-
te tenore præsentium confirmamus, & approbamus, il-
lique inviolabilis Apostolicæ firmitatis vim, & robur
adjicimus, ac omnes, & singulos tam Juris, quàm facti
defectus, si qui desuper quomodolibet intervenerint,
supplemus, salva tamen semper auctoritate Congrega-
tionis eorumdem Cardinalium: Decernentes illud, nec-
non præsentibus literis valida, firma, & efficacia existere,
& fore, suosque planarios, & integros effectus sortiri,
& obtinere, & ab omnibus, & singulis, quos illa concer-
nunt, & quomodolibet in futurum concernent, inviola-
biliter, & inconcussè observari.

§. 3. Sicque per quoscumque Judices ordinarios, &
delegatos, etiam Causarum Palatii Apostolici Audito-
res, ac Sanctæ R. E. Cardinales etiam de latere legatos,
ac Sedis Apostolicæ nuntios, sublata eis, & eorum cui-
libet quavis aliter judicandi, & interpretandi facultate,
& auctoritate, judicari, & definiti debere, ac irritum &
inane si quid secus super his à quoquam quavis auctori-
tate scienter vel ignoranter contrigerit attentari.

§. 4. Non obstantibus constitutionibus, & ordinationi-
bus Apostolicis, ac dictæ Congregationis eorumdem fra-
trum Discalceatorum hæcenus editis, & edendis, ac cir-
ca Ministerium Redemptionis hujusmodi quoquo modo
disponentibus statutis, constitutionibus, & consuetudi-
nibus, necnon omnibus, & singulis illis, quæ iidem
Gregorius, & Urbanus prædecessores in suis literis præ-
dictis voluerunt non obstaré, ceterisque contrariis qui-
buscumque.

§. 5. Volumus autem, ut præsentium transumptis, etiam
impressis, manu alicujus Notarii publici subscriptis, &
sigillo personæ in dignitate Ecclesiastica constitutæ mu-
nitis eadem prorsus fides ubique adhibeatur, quæ præ-
sentibus ipsis adhiberetur, si forent exhibitæ, vel
ostensæ.

Datum Romæ apud S. Mariam Majorem sub annulo
Piscatoris, die 5. Martii 1647. Pont. nostri anno 3.

Attestatio Notarii Apostolici.

*Ego Frater Joannes Franciscus Olignanus Ordi-
nis B. Mariæ de Mercede Redemptionis Capti-
vorum publica auctoritate Notarius Apostolicus,
& in Archivio Romana Curia descriptus fidem
facio ex 21. præcedentibus Bullis in hoc quin-
terno mea propria manu scriptis, aliquas ex ori-
ginalibus, & aliquas ex transumptis Authentici-
cis, sive sufficientibus fuisse extractas, cum eis-
que fideliter concordare. In cujus testimonium me
subscripsi, & signum meum apposui. Roma in hoc
Convento S. Adriani ejusdem Ordinis, die decima
septima Octobris 1654.*

FR. JOAN. FRANCISC. OLIGNANUS Notarius
Apostolicus.